













17

6

1622

LES
PSEAVMES
DES COVRTISANS.

Dediés aux braues esprits qui entendent
le jars de la Cour.

f

M DC. XXII.

Case

F

39

.326

1622 p52

THE NEWBERRY
LIBRARY

M. D. C. XXII

LES PSEAVMES DES COURTISANS.

Dediés aux braues esprits qui entendent
le iars de la Cour.

AVrelius ancien & sage iuriscōsulte, blasmoit à bon droict le nombre infiny des loix de son temps, & pour faire vn abregé, dit librement à celuy qui demandoit : *Quales sunt vestra leges ? Quales volumus*, dit il, Quelles sont vos Loix, telles que nous voulons, & adiousta, disant : Parce que nos liures de Loix, *sunt multorum Camelorum onus*, sont des charges de plusieurs Chameaux.

Auiourd'huy on ne veut point de grands liures de Deuotion, on les abrege tous les iours, aussi sont-ils plus aisez à porter à la pochette, & notamment les Pseumes Pœnitentiels, qui portent quant & eux toute ceste mouëlle & substance de deuotion. Nos Courtisans de maintenant n'en veulent point de longs, en voicy vn abregé qu'ils offrent au Roy pour se deliurer des inconueniens qui les menacent.

En la societé humaine, il ne faut point tant d'escritures & de liures, il n'y a que deux points, Aymer Dieu & seruir le Roy : Qui aymera Dieu seruira le Roy, c'est l'Oingt de Dieu & son bien aimé : n'ira point courir la poste & pretontaine à la desesperade, pour s'aller cantonner l'vn à

Dieppe, l'autre au Pont de Sé, l'autre à Caen
l'autre à Angoulesme, l'autre ie ne sçay où, & ce
pendant il faut tousiours apres ces escapades ve-
nir baiser la botte à nostre bon Maistre, nostre
braue Louys, qui les escarte comme le foudre
& tonnerre il faut venir à la Creiche, reuenir à
la mai on, & que l'enfant prodigue crie, *Pecca-
ui in cælum & contrate*, l'ay peché contre le Ciel
& contre vous, ô mon Roy, ayez pitié de moy,
misericorde.

Voila pourquoy le bon Comte d'Auuerne,
ayant eu le loisir assez, voire de reste, pour pen-
ser à ses affaires, pres la porte S. Anthoine, estant
de retour au Louure, presente son humble re-
queste au Roy, la larme à l'œil, le verset de son
Psalme Pœnitiel : *Domine ne in furore tuo arguas me,
neque in ira tua corripas me.*

C'est bien f it bon Comte mon amy, vous au-
rez recompense, faut estre sage, vaut mieux tard
que iamais : *Precepta docent, exempla mouent* : Quand
mon voisin se noye, le tasche à me sortir de l'eau :
Ha pauure Biron , ta teste par terre a fait peur
à plusieurs : mais ça esté vne belle aduance : car,
comme on dit, & il est vray aussi , la mort des
Loups c'est la santé des brebis : le sage Periander,
vn des sept sages de Grece le monstra autrefois à
son Roy, nouuellement arriué à la Couronne :
il couppa en sa presence dans vne grande plaine
de bleds tous les grands espies qui s'orgueillisso-
ient en surpassant les autres, & dist au Roy : Fay
de mesme en ton Royaume, & tu n'auras point
d'ennemis.

Le Sage Seneque, en la Tragedie d'Hercule

5

aduertit les mauuais garçons, & leur dit, les voyāt
pres de leur ruyne,

Timere ô superi, fata.

La fin paye tout : au bout du ieu on void qui a
gagné. Prenez garde remueurs d'affaires, & qui
osez contrecarrer les volonteiz de nostre Roy:
le voila armé, il a la force en main, son fort Sce-
ptre vous menace, que ferez vous ? reuenez de
bonne heure & luy demandez pardon : celuy de
Guyenne, encor qu'il soit bien haut esleué en
iambes, a neantmoins tremblé, & se mettant à
genoux deuant nostre ieune grand Roy (que
Dieu conserue) luy dit à main iointe sa petite
deuotion penitentielle, *Miserere mei Domine
quoniam infirmus sum : sana me Domine : quoniam
conturbata sunt ossa mea* Il y en aura encor bien
d'autres qui en diront autant. Je vous assure,
ce n'est pas sans occasion que vous auez eu telle
vezarde : la fureur & iuste colere du Roy c'est vn
messager de mort.

Son parent s'estant recogneu de bonne heu-
re, ne veut point estre de contraire party : car
le Roy le recompense en Auvergne, & pource
il dit à ceux de sa maison *Discedite à me omnes qui
operamini iniquitatem, quoniam exaudiuit Dominus vo-
cem fletus mei* Et partant la sage Royne Mere luy
promet, *Si sic fauio, te nutrio, te vestrio.*

Auant que commencer ces temeraires fouca-
des, faut prendre garde, mes amis, qu'au lieu de
l'eau on ne mette le feu en la maison.

Pour Phare, il faut auoir la cognoissance des
affaires.

Pilote le iugement.

Pour auiron le soin & le trauail , pour bien & fidellement seruir le Roy & Maistre souuerain.

Pour voile , la diligence , pour exccuter ses iustes volonte & commendemens.

Pour gouuernail la discretion , pour ne causer & murmurer,

Et pour Nort, & Cynosure asseuree, le seruice de Dieu & du bien public.

A ceste occasion ceste pauvre C. d'aupres Fontaine bleau , n'ayant bien conduit ses affaires , se plainct à vn certain maistre de Poste, grand Greffier d'Amour , fort bien recogneu en France par les ruses de son estat , & luy dit comme Calisto enceinte par Iupiter , *Laborau in gemitu meo , lauabo per singulas noctes lectum meum , lacrimis meis stratum meum rigabo*. Il n'est plus temps de plorer : Marion est grosse, l'enfant à dequoy viure , il a bon pere, plust à Dieu qu'il fust en vie.

Celuy qui demeueroit au Chasteau du Ga , ce braue Beniste à Bordeaux , plorant d'vn œil , se plaint & dit , *Conturbatus est oculus meus à furore tuo , inueteraui inter omnes inimicos meos* Faites bien tous , & dites avec le Marquis de Roüillac : *Exaudiuit Dominus orationem meam Dominus orationem meam suscepit*.

Ha ! petites nuees vous auez esmeu les flots & l'Ocean de nostre grand Neptun , qui auant que mettre la main à la verge , fait retantir par tout son formidable : *Quos ego ?* qui sont ses galands ? qui sont ces temeraires ? ie vous auray sans con-

rir gueres loin. Mais que leur dit-ils en disant
seulement ce petit verset de son Psautier, *Erubescant & conturbentur vehementer omnes inimici mei : conuertantur & erubescant valde velociter*, Les voila par terre tous estonnez, les voila en fuitte : mais reuenez il est debonnaire, il vous pardonnera, comme ie croy, ainsi la iuste victoire demeurera en ses mains, nous dirons avec la bonne Royne Mere, *Gloria Patri & filio, & Spiritui sancto*.

Le bon Duc des Ardennes, regardant de loin quel temps il fera, de quel coste cherra la gresle sur les montaignes trop esleuees, se frappant la poitrine dit piteusement, Helas ! *Beati quorum remissa sunt iniquitates, & quorum tecta sunt peccata*. ô que bien heureux sont ceux ausquels les fautes & iniquitez sont pardonnees & remises, & desquels les pechez sont conuertis : voila pourquoy ie n'ose aller à Paris, quand i'y aurois toutes les affaires du monde, il n'y a que les fosses de la Bastille qui me faschent : i'ay peur que si la fiebure m'y saisissoit on ne me fist trop tirer de sang des parties iugulaires pour la guarir, le desgoust m'en causeroit peut estre la mort, & par ce moyen seroit fait de moy : l'air de la Bastille & de la maison de Ville est du tout contraire à ceux de ma complexion, plusieurs y sont morts soudainement, abandonnez des Medecins, qui n'y ont sceu ny peu remedier.

Autant en dit celuy qui faisoit tirer des boulets de bourre & de foin contre bony derniere-ment, & qui a payé ses debtes aux despens du Roy, ainsi tout ioyeux il dit, *Beatus vir cui non*

imputant Dominus peccatum , O qu'heureux est l'homme , qui faisant semblant de tenir pour le Roy, estant d'accord avec l'armee contraire , & grappilloit des deux costez, son peché luy a esté pardonné, & a fait accroire que , *In spiritu eius non erat dolus*, encor qu'il soit des moins courageux & versez à la guerre : n'auoit il pas bon esprit ? ouy, aussi est il Marechal, ô qu'il ferre sans enclouer la beste.

Le Baron de S. Chaman n'a point trop fait le mauuais, il dit franchement & de bonne heure au Roy. *Dilectum meum cognitum tibi feci* , & *iniustitiam meam non abscondi*. Passez, retirez vous on vous pardonne aux autres despe'chons.

Le pretendu Conne'table auquel on approu-, prie la deuise de l'Em. eieur Orthon 4. *Anser strepit inter Olores* , Aussi n'est il qu'un Oyson qui ne sçait que, ouy, ouy net, entre les braues & melodieux Cignes, voyant son cas fort sale & plain d'ordure qui put de tous costez, tout espouuanté, & tremblant comme la fueille, ne voyant desormais lieu plus asséuré pour se cacher, & se sauueur de la ruïne qui le menace de pres, se tempestant & iettant à genoux, pleurant comme vn lasche perdu aux pieds du Roy, dist Ha, Sire, *Ne derelinquas me, ne discesseris a me*, tout s'en va, la victoire est perduë, mon sort m'a trompé, mon petit liure de parchemin vierge & mes figures me manquent au besoin. O cruelle fortune te iouës-tu ainsi de moy, Helas: Sire, c'est en vous que j'espere. *Tu es refugium meum à tribulatione quæ circumdedit me: erue me à circumdantibus me*. Pour Dieu, Helas, Sire

ayez pitié de moy, & encore que ie vous aye vo-
 le tout vostre argent, & que ie vous aye pipé tant
 de belles places & si importantes, i'aime mieux
 quitter tout & m'enfuyr, que d'attendre le coup
 mortel de ma ruine. Ie vous ay trop offensé, &
 toute la France: mon orgueil, ma perfidie me
 portent au desespoir, ie suis miserable si n'avez
 pitié de moy: i'ay offensé tout le monde, & ne
 sommes plus dignes mes freres & moy, de leuer
 les yeux au Ciel & vers vous, pour obtenir mis-
 ericorde: Helas! que feray-ie? ien'en puis plus:
 que plust à Dieu que ie n'eusse iamais quitté mes
 pauvres moineaux: pleust à Dieu que ie fusse en-
 core en nostre pauvre cahuë de maison à Mor-
 nas, ou chez Monsieur le Comte de Lude, mon
 bon maistre, où moy & mes freres auions du
 pain nostre saoul; ou bien chez Monsieur l'E-
 uesque de Carquassonne, qui a tant fait bien à
 mon pauvre pere, & à nous autres freres qu'il a
 tousiours tasché d'aduancer quand nous luy por-
 tions des oiseaux: mais pauvre recompense en a
 il eu. Ie ne serois point en la peine ou ie me vois
 plongé. Helas mes freres, Bran, Cadnet, sauuez
 vous. *Nolite fieri sicut equus & mulus quibus non est in-*
tellectus: il est temps de gagner au pied, & tost, au-
 trement nostre cas va mal: car i'ay ouy de terri-
 bles nouuelles qu'on a dit au Roy, i'estois caché
 derriere la tapisserie, où ie vessois de peur comme
 vn Renard. *In chamo & freno maxillas eorum*: ô le
 rude Conseil pour nous & pour beaucoup d'au-
 tres qui ne valent pas mieux que nous.
 Ha, miserable, qui te fait auoir telle peur: c'est

la conscience, qui est vn Dieu dans l'homme, & qui vaut mille tefmoins. Où pensez vous monter pauvres aubereaux? champignons nays en vne nuit?

L'or & l'yuoire du Palais de Menelaus.

La pierre precieuse de Sylla, Dictateur Rom.

La Dactilothèque, où buffet emperlé de Scautus.

Le mantheau d'or d'Agripine.

L'or de tygranes & Mitridates.

Bref, le reluyfant Chariot de Sesostris ne peuvent estre parangonnez aux richesses qu'avez frauduleusement attrapé en moins de trois ans pipant le Roy, estant auparauant plus incognus quel'origine & source du Nil: mais vous en payerez les pots cassez, ou raison manquera: car nous esperons tant en la Iustice du Roy, qu'ayât descouuert vos tromperies & subtils moyens, il vous descourrira aussi, & vous traittera selon vos demerites à vostre honte & confusion: & au contentement de gens de bien.

Et ne seruira de rien ce quel'autre vous souffle aux oreilles, & qui fait tant de poursuittes pour vous, disans, *Intellectum tibi dabo, & instruam te in via hac, qua gradieris firmabo super te oculos meos.* C'est baille luy belle, & de tout rien.

La Prophetie de ce valeureux Seigneur qui arresta l'orgueil de Conchin sur le pont du Louure, sortira son effect, à la ioye du public: c'est vn poinct fort dangereux de iouïr avec le Roy, & faire le compaignon avec luy: *Ipsi peribunt* dit-il, *Tu autem permanes & hitres, sicut vesti-*

mentum veterascent.

Semblable Prophetie a esté prononcée par vne Dame de la cour, disant, *Filij tui non habitabunt semen eorum non dirigetur.*

Iob 4. chap. *Elevati sunt superbi ad modicum & non subsistent.* Les orgueilleux sont esleuez pour vn peu de temps : mais il ne subsisteront point : ce ne sera qu'un sommeil & songe trompeur d'une nuict, *peribit cum somno memoria somni.*

Et pourtant cet admirable pere Arnoux, qui fait œuvres nompareilles, qui est actif, vigilant, remuant tout sçachant qui va, qui court, qui trotte par toutes les chambres du Louvre, & en carrosse par toute la ville, en grande humilité, qui sçait toutes sortes de nouvelles, aussi il a un bon esprit, car il entend principalement & avant tout mieux le nombre d'or que la lettre Dominicale, a juré par foy, & nous l'a promis, à fin de donner ordre par tout, qu'il fera valoir ceste article de son Psautier, quand il luy deuroit couster le Chapelet de sa ceinture, aussi bien n'en fait-il rien, *Docebo iniquos vias tuas Domine, & impij ad te convertentur.* Dieu le vueille : mais j'ay peur qu'il ne l'oublie ; car il se donne trop d'affaires, ce qui le rend ainsi maigre & hideux. Monsieur de Vendosme cognoissant l'impossibilité de ses vains desseins, a remarqué le lieu d'où vient le deffaut, parce qu'il l'a trouvé dans son Psalme Penitentiel : *Ecce iniquitatibus conceptus sum, & in peccatis concepit me mater mea* : telles gens ne sont gueres suiets à bien faire, toutes-fois il promet, à se de Dio, de servir le Roy s'il mai-

stre, & bien faire s'il peut.

Monsieur le General des Galerés, pour se monstrier galant homme, propre net, & bien accommodé aupres du Roy, auant que s'y presenter, demande au Roy par ce motet de son Psautier abrégé : *Asperges me Domine hyssopo, & mundabor lauabis me, & super niuem dealbabor.* Ha, qu'il le fera bon voir, non pas si noir que de coustume: estant ainsi blanchi il pourra obtenir quelque benefice sur le Spirituel ou temporel, par le moyen de Monsieur le Cardinal son frere: mais le grand Cardinal de la Rochefoucault, grand Aumosnier de France, &c. grand Euesque de Sens: grand Abbé de sainte Geneuiefue; à six grands cheuaux au grand Carrosse accompagné de ces grand Aumosniers, s'oppose à tout cela & dit; *Primo mihi*: car il a protesté à tous les pauvres estropiés & autres, d'observer religieusement ce verset de son Psautier, sans l'enfreindre en aucune façon, duquel il se sert fort bien sans rien dépendre: *Et factus sum sicut homo non audiens, & non habens in ore suo loquelas.* Et ainsi adieu mes amis, n'attendez plus, l'Aumosnier ferre la porte.

Monsieur d'Espèrnon se plaint merueilleusement de ceux de la maison de Guyse, disant *Inimici mei viuunt & confirmati sunt super me, & multiplicati sunt qui oderunt me inique*. Je croy que cela est vne partie cause de son long seiour à Angoulesme, & qu'il n'ose venir à Paris: mais il y a bien autre chose avec du Catus. Toutesfois on dit, que s'il plaist au Roy de luy pardonner il demande à Dieu pour venir en assurance

en Cour, *Cormundum crea in me Deus, & spiritum rectum in noua in uisceribus meis*: Cela fera bon, faire homme le serpent, quitter la vieille peau, & craindre mercy au Roy, semble le promettre disant *Miserere mei Deus secundum magnam misericordiam tuam, & secundum multitudinē miserationem tuarum, dele iniquitatem meam* Son fils de Candale en promet le mesme par la supplication qu'il fait au Roy, disant, sans toutes fois s'amender : *Iniquitatem meam ego cognosco, & peccatum meum contra me est semper*. Il est vray : mais il doit dire avec le bon homme Mareschal de la Chastre : *Auerte faciem tuam a peccatis meis, & omnes iniquitates meas dele*. Et avec Madame des Essars qui toute tremblante & chenuë est au pieds du Roy, & dit, *Ne proicias me a facie tua, & spiritum sanctum ne auferas a me* : car ie n'en puis plus.

On dit encor que Monsieur de Boüillon faict vn merueilleux tintamarre dans Sedan, il se fache & s'agriette d'estre si long temps sans voir Paris : mais il craint seulement ce que dessus, & ne laisse pourtant, quoy qu'il soit de la Religion, de dire bien deuotement son *De profundis clamaui ad te Domine : Domine exaudi orationem meam. Fiant aures tuae intendentes in vocem deprecationis meae* : car il dit, avec Monsieur qui gardoit autrefois l'Arse-
 nal & la Bastille : *Si iniquitates nostras obseruaueris Domine : Domine quis sustinuit*. Qui ben sta non se moue dit l'Italian.

Ie ne scay que Monsieur de la Varenne a faict il crie nuit & iour comme s'il estoit fol, *Mes culpa, mea maxima culpa. Ideo precor Mariam*, afin

qu'elle ne me chastie, à cause de deux Dames qui ont tenu sa place long temps par mon moyen.

Finally les nouvelles arriuent d'une bonne & asseuree paix, tous les mauvais garçons viennent prester hommage de fidelité & obeissance au Roy, luy demandant tres humble pardon dont les fautes passees, & de n'y retourner iamais plus. Tellement que le Cardinal de Guise oyant ces bonnes nouvelles, de grand ioye a iecté sous la table cartez & dez : & encor qu'il ne s'accompagne gueres souuent du Crucifix qu'aux festes solennelles, il s'est mis à chanter tant qu'il a peu & du mieux qu'il a scen son verset, *Domine labia mea aperies, & os meum annuntiabit laudem tuam*, Dieu le vueille, ce qui sera vne grande merueille.

Monsieur l'Esdiguières s'est ioinct miraculeusement au Psautier racourcy des courtisans, & se repentant, demande à Dieu, *Domine doce me facere voluntatem tuam, quia surdus sum*.

Monsieur de Guise fermant le Psautier, & le mettant sur le buffet iusques à ce qu'on en eust affaire a protesté deuant le Roy de sa fidelité pour l'aduenir, disant humblement *Domine ne reminiscas delicta nostra, vel parentum nostrorum, neque vindictam sumas de peccatis nostris*.

Tellement qu'à ce coup on espere que Monsieur de Rosny ne se fera point mocqué, lors qu'il monstroir la Bastille au Roy, assez meublee de monnoye, & l'Arsenal bien peuplé de canons & de poudre, luy dit, *Timebunt gentes nomen*

tuam, & omnes Reges terre gloriam tuam. La tres-bonne Mere Royne voyant la bonne affection, a fort affectueusement intercedé pour luy enuers le Roy, disant, *Non intres in iudicium cum seruo tuo.* Il ne scauroit: car il ne scait pas le nombre des oyseaux qu'il a desniché de la Bastille: il a fait ses vandanges tandis qu'il y auoit des grappes en la vigne, pardonnez luy aussi bien n'en peut-il plus, laissez luy acheuer ses iours paisiblement, il n'est pas seul qui vous a pillé, il y en a bien d'autres qui font les bons valets aupres de vous.

Voila finalement le ieu des guerres d'aujour-d'huy aussi bien qu'au passé: c'est vne vraye rouë de Fortune, le premier qui paye les frais c'est le pauvre payfan.

Tout est il gasté & mangé par les champs: faut faire la paix.

La paix est elle faite? on deuient aussi tost trop gras.

Est-on trop gras & à l'aise? on deuient trop riche.

Est-on trop riche? on deuient orgueilleux.

Est-on orgueilleux? alors il se faut mutiner, il se faut cantonner, faire le mal-content.

Est-on mal content? faut faire la guerre.

La guerre est elle faite? voila pauureté & famine qui arriue.

Pauureté ameine humilité, & finalement l'humilité rameine la paix, ainsi voila vn braue ieu.

Le bon Marechal de Brissac ayant, veu tous ces tours, retours & ieux de Fortune s'appuyant

fut son baston, ou porté dans vne chaire, tout
gousteux, souspire & dit, *Putruerunt & corrupte
sunt cicarices meae à facie insipientia mea.* Hé il est biē
temps. Le reste sera pour vne autre fois.

rob C'est donc en somme tout ce que nous auons
de nouveau Dieu face la grace à nostre bon Roy
de viure longuement & heureusemēt, aymé, che-
ry, & redouté de tous les suiets. Surquoy toute la
France chante & dit,

*Piuat Rex en aeternum, vt consulet pedibus omnes ini-
micos suos.*

F I N.











